

30. júní 2017

Fyrsta uppkast - endurbætt

ATVINNUSTEFNA SKEIÐA- OG
GNÚPVERJAHREPPS
FYRSTA UPPKAST - ENDURBÆTT

ATVINNUMÁLANEFND

ÁVÖRP	2
YFIRSTJÓRN SVEITARFÉLAGSINS?	2
INNGANGUR	3
FYRSTU SKREFIN	4
STAÐA ATVINNULÍFS	4
INNRI ÞÆTTIR SVEITARFÉLAGSINS	5
STYRKLEIKAR	6
VEIKLEIKAR	6
YTRI ÞÆTTIR SVEITARFÉLAGSINS	7
ÓGNANIR	7
TÆKIFÆRI	7
STEFNA OG FRAMTÍÐARSÝN	9
HLUTVERK	9
FRAMTÍÐARSÝN	9
AÐGERÐIR	9
ATVINNUMÁLAFLOKKAR - MARKMIÐ	10
MENNTUN OG RANNSÓKNIR.....	10
MENNING OG SKAPANDI GREINAR	11
IÐNAÐUR OG LANDBÚNAÐUR	12
VERSLUN OG ÞJÓNUSTA.....	14
LÝÐHEILSA OG UMHVERFISMÁL	15
FERÐAÞJÓNUSTA.....	16
EFTIRFYLGNI	18

ÁVÖRP

YFIRSTJÓRN SVEITARFÉLAGSINS?

Hér koma nokkur orð frá yfirstjórn sveitarfélagsins?

Fyrsta uppkast - endurbætt

INNGANGUR

Hér birtist stefna Skeiða- og Gnúpverjahrepps í atvinnumálum sem unnin var á fyrri hluta ársins 2017. Stefnan byggir á gögnum sem urðu til á vinnustofu sem haldin var á grundvelli samstarfs sveitarfélagsins og atvinnuþróunarviðs SASS í desember 2013. Jafnframt var horft til niðurstöðu hugmyndasmiðju Gjalpar, félags um atvinnuuppbyggingu við Þjórsá, sem haldinn var í nóvember 2016.

Breytingar urðu á nefndarskipan í atvinnu-málanefnd Skeiða- og Gnúpverjahrepps í febrúar 2017. Tveir nýir nefndarmenn komu inn í stað annarra sem hættu störfum í nefndinni. Nýju nefndarmennirnir voru Bjarni H. Ásbjörnsson og

Matthildur María Guðmundsdóttir. Áfram sat Björgvin Þór Harðarson. Bjarni var skipaður formaður nefndarinnar.

Nefndin hélt reglulega fundi fram undir vorið 2017 og er afrakstur þeirrar vinnu grunnurinn að atvinnustefnunni sem fer hér á eftir.

Stefnuna þarf að endurskoða reglulega til þess að meta árangur markmiðanna, bæta nýjum við og taka út markmið sem búið er að ná. Mælikvarða markmiðanna þarf að meta oft, skoða nákvæmi þeirra og endurstilla eftir þörfum.

FYRSTU SKREFIN

Skeiða- og Gnúpverjahreppur stofnaði til vinnustofu í desember 2013 þar sem valdir íbúar í sveitarfélaginu voru sérstaklega beðnir um að taka þátt. Vinnustofan var einnig auglýst opin öllum áhugasömum íbúum. Vinnustofan var skipulögð og framkvæmd í samstarfi við atvinnuþróunarsvið SASS.

Meðal annars var unnin greining á styrkleikum, veikleikum, ógnunum og tækifærum sveitarfélagsins þar sem þátttakendur í vinnustofunni drógu upp þau atriði sem þeim fannst skipta mestu máli í hverjum þætti fyrir sig.

Gjálpar, félag um atvinnuuppbyggingu við Þjórsá, hélt hugmyndasmiðju í Þjórsárskóla þann 12. nóvember 2016 þar sem meginmarkmiðið var að hefja umræður um tækifæri til atvinnusköpunar við Þjórsá. Fundurinn var auglýstur og opinn fyrir áhugasama, ásamt félagsmönnum Gjálpar. Hann var unnin í samstarfi við Nýsköpunarmiðstöð Íslands og íslenska ferðaklassann. Þátttakendur á þessum fundi endurspegluðu

nokkuð hóp yngra fólks innan sveitarfélagsins sem og brottfluttra úr sveitarfélaginu. Á þessum fundi var unnin SVÓT greining á svipaðan hátt og í vinnustofunni árið 2013. Niðurstöður greiningarinnar voru á svipuðum nótum og niðurstaðan í fyrri greiningunni en þó var blæbrigðamunur á hvað varðar náttúru og afþreyingu.

Grunnurinn að atvinnustefnu Skeiða- og Gnúpverjahrepps var lagður í þessum SVÓT greiningum. Með því að draga fram þætti sem hafa bein áhrif innan sveitarfélagsins var leitast eftir því að byggja undir styrkleika atvinnulífsins og draga úr veikleikum þess með því að setja fram markmið, skilgreina aðgerðir og ábyrgðaraðila ásamt því að búa til árangursmælikvarða sem hægt er að nota til þess að meta árangur af framgangi stefnunnar. Á sama hátt voru dregnir fram utanaðkomandi þættir sem hafa áhrif á atvinnumál í sveitarfélaginu. Með því að huga að þeim þáttum má búa í haginn fyrir tækifærum í nánustu framtíð ásamt því að draga úr áhrifum að utanaðkomandi ógnunum sem steðja að.

STAÐA ATVINNULÍFS

Atvinnulíf í Skeiða- og Gnúpverjahreppi er fábreytt og byggist að mestu leyti á landbúnaði, iðnaði og störfum við leik og grunnskóla. Ferðaþjónusta er vaxandi atvinnugrein en nýtur ekki til fulls aukningar í fjölda ferðamanna til landsins undanfarin misseri.

Nokkur hluti íbúanna sækir atvinnu utan sveitarfélagsins, enda er sveitarfélagið miðsvæðis á Suðurlandi og fjarlægð í næstu þéttbýli innan þeirra marka sem íbúar sætta sig við.

Fjarlægð frá höfuðborgarsvæðinu er ekki meiri en svo að íbúar sækja vinnu þangað.

Tekjur sveitarfélagsins byggja að ¾ hluta á skatttekjum, útsvari og fasteignagjöldum. Árið 2016 var hlutfall útsvarstekna 58,5% en fasteignagjöld voru 41,1% af skatttekjunum. Lítil hluti teknanna kom af lóðarleigu. Árið 2015 var hlutfallið 54,5% útsvarstekjur og 47,6% fasteignagjöld.

Samkvæmt ársreikningi Skeiða- og Gnúpverjahrepps námu tekjur A hluta sveitarsjóðs árið 2015 kr. 936 þúsundum á hvern íbúa. Hér er átt við heildartekjur, þ.e. skatttekjur, framlög úr jöfnunarsjóði og aðrar tekjur. Í gögnum frá Sambandi íslenskra sveitarfélaga má sjá að meðaltekjur sveitarfélaga á Íslandi árið 2015 námu kr. 918 þúsund á hvern íbúa. Hæstu tekjur landsins á hvern íbúa námu tæpum 2.2 milljónum króna, en lægstu tekjur kr. 507 þúsund á hvern íbúa. Miðgildi tekna á hvern íbúa á landinu árið 2015 nam tæpum 923 þúsundum á hvern íbúa. Meðaltekjur sveitarfélagsins á hvern íbúa voru því í efri hluta tekjudreifingar þegar horft er yfir landið allt

árið 2015. Tekjur A hluta sveitarsjóðs skiptast þannig að um 83% þeirra eru skatttekjur, en um 17% þeirra eru aðrar tekjur.

Á árinu 2016 voru tekjur A hluta sveitarsjóðs kr. 978 þúsund á hvern íbúa og höfðu hækkað um 4,5% frá árinu áður. Skatttekjur voru um 85% en 15% aðrar tekjur.

Samkvæmt skýrslu Íslandsbanka um íslensk sveitarfélög, sem birt var í júní 2017, er Skeiða- og Gnúpverjahreppur í hópi lítið skuldsettra sveitarfélaga þar sem A hluti sveitarsjóðs stendur vel undir skuldsetningunni.

INNRI ÞÆTTIR SVEITARFÉLAGSINS

Sammerkt með SVÓT greiningunum tveimur var að íbúar telja helstu styrkleika sveitarfélagsins vera hæfileg nálægð við höfuðborgarsvæðið ásamt því að það er miðsvæðis á Suðurlandi og tiltölulega stutt í helstu þéttbýlisstaði. Nálægð við náttúruperlur og hálendið var einnig talinn styrkur sem og að ljósleiðari hafi verið lagður á öll heimili í sveitarfélaginu. Góðir skólar og gjaldfrjáls leikskóli er talið til tekna ásamt því að landbúnaður stendur nokkuð traustum fótum.

Það sem helst skortir á og er talið til veikleika sveitarfélagsins er einsleitt samfélag íbúanna, óheppileg aldurssamsetning og tilfinnalegur skortur á íbúðarhúsnæði. Samstaða meðal íbúa sveitarfélagsins þykir lítil og stutt í djúpstæðan hrepparíg. Skipulagsmál hafa þótt í ólestri og skortur á stefnufestu af hálfu sveitarstjórnar. Samgöngur innan sveitar teljast veikar og einsleitir vinnumarkaður heldur ekki ungu fólki innan sveitarfélagsins.

STYRKLEIKAR

Helsti styrkur sveitarfélagsins í atvinnumálum, að mati íbúa, liggur í eftirfarandi þáttum. Hér er lag að byggja undir styrkleikana og nýta þá til frekari atvinnuuppbyggingar

Miðsvæðis á Suðurlandi	Nálægð við höfuðborgar-svæðið	Stutt upp á hálendið
Fjölbreyttar náttúruperlur og ósnortin náttúra	Afleidd störf í orkugeiranum	Sterkur landbúnaður
Þekking á lífrænni ræktun	Góðar samgöngur að og frá sveitarfélaginu	

VEIKLEIKAR

Veikleikar sveitarfélagsins í atvinnumálum eru helst þessir að mati íbúa. Með því að vinna markvisst að því að draga úr þeim má byggja undir uppbyggingu og fjölgun íbúa.

Skortur á markaðssetningu	Almennings-samgöngur	Samgöngur innan sveitar
Skortur á orku til uppbyggingar	Skortur á íbúðarhúsnæði	Smá og veikburða veitufyrirtæki
Skortur á afþreyingu	Erfið kynslóðaskipti í landbúnaði	Láglaunasvæði

YTRI ÞÆTTIR SVEITARFÉLAGSINS

Margir utanaðkomandi þættir hafa áhrif á atvinnumál sveitarfélagsins sem erfitt er að hafa bein áhrif á. En með því að koma auga á og nýta tækifærin og að sama skapi að búa í haginn til þess að mæta ógnunum er hægt að draga úr þeim og hagnýta tækifærin. Helstu ógnanirnar úr SVÓT greiningunum sem steðja að Skeiða- og Gnúpverjahreppi eru að mjólkurkvóti verði seldur burt og það dragi úr búskap. Óheft jarðakaup, með önnur markmið en að stunda búskap, breyta starfseminni í frístunda og ferðamenskubú. Yfirvofandi virkjunarframkvæmdir geta takmarkað landnýtingu og óheftur aðgangur ferðamanna að viðkvæmum náttúruperlum geta spillt þeim. Breytingar á

starfsskilyrðum í landbúnaði og kjörum bænda gæti ollið byggðaröskun.

Tækifærin á hinn bóginn geta falist í því að laða að íbúa sem vilja búa í dreifbýli með dýrahald og við jarðrækt, en geta stundað fjarvinnslu vegna góðra fjarskipta. Aukin fjölbreytni í landbúnaði og nýting landbúnaðarafurða styðja við atvinnuuppbyggingu. Aukin eftirspurn eftir lífrænt ræktuðum afurðum getur skapað tækifæri í ræktun. Aukin nýting orku sem framleidd er í sveitarfélaginu getur aukið fjölbreytni í atvinnulífi. Fjölgun ferðamanna ásamt náttúrufegurð og sögu Þjórsárdals eru að mestu ónýtt tækifæri.

TÆKIFÆRI

Fjölmörg tækifæri í atvinnumálum má finna að mati íbúa. Með því að grípa tækifærin og búa í haginn má byggja upp fjölbreyttara atvinnulíf.

Aukin fjölbreytni í landbúnaði	Fjarvinnsla	Aukin nýting landbúnaðarafurða
Fleiri iðnaðarlóðir	Flæði ferðamanna í gegnum sveitarfélagið	Saga Þjórsárdals
Aukin afþreying	Smáiðnaður, lítil stóriðja	Veitingastaðir – kaffihús
Beint frá býli	Lífræn ræktun	Eftirspurn eftir kyrrð
Nýsköpun og vörupróun í landbúnaði	Þjórsá	

ÓGNANIR

Íbúum þykir mesta ógnin í atvinnumálum stafa frá þessum þáttum. Það er erfitt að hafa bein áhrif á þessar ógnir, en með því að þekkja til þeirra má byggja upp varnir.

Kaup aðila að bújörðum sem ætla ekki að stunda búskap	Yfirvofandi virkjunarframkvæmdir	Hátt verð á mjólkurkvóta
Fjöldi ferðamanna á viðkvæma staði	Náttúruvá	Fjárvana vegagerð
Skert pósthjónusta	Sveitarfélögin i kring hafa meira aðdráttarafl	Skipulagsmál

Fyrsta uppkast - endurbætt

STEFNA OG FRAMTÍÐARSÝN

Stefna og framtíðarsýn Skeiða- og Gnúpverjahrepps í atvinnumálum er dregin upp hér, eftir undan-gengar vinnustofu og hugmyndasmiðju af hálfu íbúa sveitarfélagsins. Atvinnumálanefnd lagði loka-hönd á stefnuna.

HLUTVERK

Hlutverk atvinnustefnu Skeiða- og Gnúpverjahrepps er að skapa sterkt atvinnulíf í sveitarfélaginu í sex atvinnumálaflokkum. Stefnan dregur fram styrkleika og tækifæri í atvinnumálum auk þess að búa í haginn til að mæta ógnunum og vinna á veikleikum.

FRAMTÍÐARSÝN

Draga skal að öfluga atvinnustarfsemi sem styrkir íbúa sveitarfélagsins. Nýta skal náttúrulegar auðlindir á sjálfbæran hátt sem byggir undir kröftugt atvinnulíf og blómlegt samfélag.

AÐGERÐIR

Unnið verður að nauðsynlegum verkefnum til þess að ná fram nýsköpun og þróun í sex atvinnumálaflokkum; Menntun og rannsóknum, menningu og skapandi greinum, iðnaði og landbúnaði, verslun og þjónustu, lýðheilsu og umhverfismálum ásamt ferðaþjónustu.

ATVINNUMÁLAFLOKKAR - MARKMIÐ

Atvinnumálanefnd hefur skipt vinnu sinni við mótun atvinnustefnu í sex flokka. Atvinnustefnan tekur mið af SVÓT greiningum sem gerðar voru í sveitarfélaginu í desember 2013 og nóvember 2016. Hún byggir undir styrkleika sveitarfélagsins, dregur úr veikleikum þess, er tilbúinn að taka á móti tækifærum og undirbýr það að vinna á ógnunum.

Atvinnuflokkarnir sex eru; Menntun og rannsóknir, Menning og skapandi greinar,

Iðnaður og landbúnaður, Verslun og þjónusta, Lýðheilsa og umhverfismál og Ferðaþjónusta.

Í hverjum flokki eru dregin fram markmið og aðgerðir til þess að ná þeim. Ábyrgðaraðilar sjá til þess að farið verði í aðgerðir og fylgja þeim eftir. Að lokum settir fram mælikvarðar til þess að mæla árangur af framkvæmd markmiðanna.

MENNTUN OG RANNSÓKNIR

Samstarf Skeiða- og Gnúpverjahrepps við háskóla og framhaldskóla verði öflugt. Sveitarfélagið býður fram lokaverkefni sem verði unnin í sveitarfélaginu.

1. Að koma á samstarfi við mennta- og menningarsamfélag.

Aðgerð	Eftirfylgni ábyrgð	Mælikvarði:
Mynda tengsl við menntastofnanir eins og listaháskóla, háskóla, kvikmyndaskóla, framhaldsskóla og aðrar menntastofnanir..	Sveitarstjórn.	Komin verði á tengsl við 3 menntastofnanir í árslok 2017 og 2 til viðbótar í lok vorannar 2018.
Þjóða fram hugmyndir að lokaverkefnum, unnin í sveitarfélaginu eða tengt því.	Sveitarstjórn.	Boðin verði fram a.m.k. 2 ný verkefni á ári sem unnin verða í sveitarfélaginu eða tengt því. Komið verði á samstarfi við viðeigandi menntastofnun. Verkefni skulu liggja fyrir þann 1. október ár hvert.
Að koma á samstarfi við LBHÍ í landslagsarkitektúr og umhverfisskipulagi..	Sveitarstjórn, menningarnefnd.	Þjóða fram verkefni í landslagsarkitektúr annað hvert ár. Í fyrsta sinn á vorönn 2018.

MENNING OG SKAPANDI GREINAR

Skeiða- og Gnúpverjahreppur stuðlar að því að efla samstarf íbúa í menningu og skapandi greinum. Hvatt verður til þess að tengja saman skapandi greinar og menningarviðburði.

1. Að nýta skógarafurðir sem efni til hönnunar og arkitektúrs.

Aðgerð	Eftirfylgni ábyrgð	Mælikvarði:
Koma á samstarfi Þjórsárskóla og Skógræktar ríkisins. Halda námskeið t.d. í nýtingu skógarafurða.	Skógrækt ríkisins – Þjórsárdalur, skólanefnd, Þjórsárskóli.	Haldin verða námskeið í nýtingu skógarafurða fyrir samfélagið annað hvert ár. Í fyrsta sinn árið 2018.

2. Að skapa umgjörð fyrir listamenn og frumkvöðla.

Aðgerð	Eftirfylgni ábyrgð	Mælikvarði:
Koma upp listasmiðju/gallerí eða vinnustofu þar sem sala á listmunum og handverki getur átt sér stað. (Bókasafnið Brautarholti, Reykjaréttir, kjallarið í Þjórsárskóla, kjallari Árnass).	Sveitarstjórn.	Húsnæði eða aðstaða fyrir listasmiðju/gallerí verði til reiðu fyrir lok árs 2018.
Laða að innlenda og erlenda listamenn til listsköpunar og miðlunar þekkingar.	Sveitarstjórn.	Listamaður komi árlega og vinni eða sýni í listasmiðju og miðli þekkingu til yngri og eldri kynslóða í samfélaginu.
Koma á listasmiðju/gallerí á Uppsprettnni og á Landsnámsdeginum.	Menningar og æskulýðsnefnd.	Listasmiðja verði starfrækt á Uppsprettnni árlega.

Þekking og reynsla fyrirtækja í Skeiða- og Gnúpverjahreppi verði nýtt til að þróa leiðir sem auka virði afurða og auka framleiðni fyrirtækja. Haldið verður í öflugan landbúnað og samkeppnishæfi hans aukin.

1. Takmarka uppskiptingu landbúnaðarlands.

Aðgerð	Eftirfylgni ábyrgð	Mælikvarði:
Setja skorður í aðalskipulag sem kemur í veg fyrir að frjósamt landbúnaðarland verði nýtt undir aðra starfsemi.	Sveitarstjórn.	Settar verði sértækar reglur um takmörkun á uppskiptingu lands áður en aðalskipulag verði samþykkt.

2. Skipuleggja iðnaðarsvæði fyrir stór- og smáiðnað.

Aðgerð	Eftirfylgni ábyrgð	Mælikvarði:
Skipuleggja lóðir undir smáiðnað sem og stóriðnað. Tryggja aðgang að lóðum, rafmagni, ljósleiðara, aðveitu og fráveitu.	Sveitarstjórn.	Á hverjum tíma er tryggt að alltaf sé til reiðu ein lóð sem er tilbúin til uppbyggingar.

**3. Kortleggja gæði og notkun lands, jafnvel í samstarfi við háskóla og bjóða fram sem loka-
verkefni nemenda.**

Aðgerð	Eftirfylgni ábyrgð	Mælikvarði:
Kortleggja gæði og notkun lands í samstarfi við menntastofnanir, Landgræðslu ríkisins og Náttúrufræðistofnun. Lokaverkefni. Skoða möguleika á sjálfbærri nýtingu lands.	Sveitarstjórn, Menningar og æskulýðsnefnd.	Lokaverkefni verði unnið árlega.

4. Tryggja stöðugar samgöngur og bæta úr annmörkum vegakerfisins.

Aðgerð	Eftirfylgni ábyrgð	Mælikvarði:
Halda stöðufund um samgöngur og vegakerfi með Vegagerðinni og ráðamönnum.	Atvinnu og samgöngumálanefnd.	Fundur verði haldinn í september ár hvert.

5. Bæta aðstöðu og stuðning til nýsköpunar og atvinnuþróunar.

Aðgerð	Eftirfylgni ábyrgð	Mælikvarði:
Koma upp aðstöðu og stuðningi til nýsköpunar og atvinnuþróunar. Birta upplýsingar á vefsvæði sveitarfélagsins um málefnið.	Atvinnu og samgöngumálanefnd.	Fjölgun sprotafyrirtækja á ári. Fjölgun starfa í sprotafyrirtækjum og við nýsköpun.

6. Vinna að orkuskiptum í landbúnaði og samgöngum.

Aðgerð	Eftirfylgni ábyrgð	Mælikvarði:
Auka notkun á endurnýjanlegum orkugjöfum úr lífrænum úrgangi og orkuríkum jurtum. Stuðla að orkuskiptum yfir í endurnýjanlega orkugjafa.	Atvinnu og samgöngumálanefnd, Umhverfisnefnd.	Stuðla að því að hlutfall endurnýjanlegra orkugjafa á landi aukist og verði 10% árið 2020.
Fá kynningu um framleiðslu á lífdísel frá sérfræðingum um málefnið.	Atvinnu og samgöngumálanefnd, Umhverfisnefnd.	Kynning á málefni á árinu 2018.

7. Flokkun á úrgangi verði framkvæmd á öllum heimilum og í öllum fyrirtækjum í sveitarfélaginu.

Aðgerð	Eftirfylgni ábyrgð	Mælikvarði:
Fylgja því eftir að úrgangur sé flokkaður og að tunnur og ílát séu til staðar á heimilum og fyrirtækjum.	Umhverfisnefnd.	98% heimila og fyrirtækja flokki úrgang í árslok 2018.
Setja sveitarfélaginu og íbúum þess umhverfisstefnu.	Umhverfisnefnd.	Umhverfisstefna verði kynnt á haustfundi 2019.

VERSLUN OG ÞJÓNUSTA

Skeiða- og Gnúpverjahreppur stuðlar að aukinni verslun og þjónustu í heimabyggð.

1. Stuðla að aukinni verslun í heimabyggð og minnka kolefnisspor vegna þessa.

Aðgerð	Eftirfylgni ábyrgð	Mælikvarði:
Stuðla að aukinni netverslun með því að halda námskeið í netverslun og markaðssetningu.	Atvinnu og samgöngumálanefnd.	Halda námskeið um málefnið á haustfundum, annað hvert ár.

2. Setja upp sameiginlega afgreiðslustöð netverslana, tengdri listasmiðju.

Aðgerð	Eftirfylgni ábyrgð	Mælikvarði:
Setja upp sameiginlegan afgreiðslustað sem getur tengst listasmiðju þar sem vörur sem keyptar eru á netinu eru sendar út. Einn lager margir framleiðendur.	Atvinnu og samgöngumálanefnd.	Listasmiðjan verði nýtt sem lager/afgreiðslustaður innan tveggja ára frá opnun listasmiðjunnar.
Kynna verslun og þjónustu í heimabyggð með áherslu á lágmarkun kolefnisspora. Draga fram kolefnisspor innfluttra og innlendra vörflokka.	Atvinnu og samgöngumálanefnd, Umhverfisnefnd.	Halda kynningu um málefnið á haustfundum, annað hvert ár.

3. Kanna þarfir og óskir íbúa í sveitarfélaginu varðandi atvinnuþætti.

Aðgerð	Eftirfylgni ábyrgð	Mælikvarði:
Setja upp rafræna könnun um atvinnumál sveitarfélagsins.	Atvinnu og samgöngumálanefnd.	Viðhorfskönnun unnin og kynnt á haustfundi annað hvert ár um atvinnustefnu sveitarfélagsins. Í fyrsta sinn árið 2019.

4. Auka ferðamannaverslun í sveitarfélaginu

Aðgerð	Eftirfylgni ábyrgð	Mælikvarði:
Setja upp markað – listasmíðju/gallerí á heppilegum stað.	Sveitarstjórn.	Markaður verður opnaður fyrir árslok 2018.

LÝÐHEILSA OG UMHVERFISMÁL

Skeiða- og Gnúpverjahreppur eykur virkni íbúa í lýðheilsu og umhverfismálum.

1. Þjósárskóli verði heilsueflandi skóli.

Aðgerð	Eftirfylgni ábyrgð	Mælikvarði:
Þjósárskóli verði í fararbroddi í heilsueflandi aðgerðum og vinni að því að samfélagið verði heilsueflandi.	Sveitarstjórn, skólanefnd og Þjósárskóli.	Staðfesting Landlæknisembættisins verði komið á í upphafi skólaárs 2018 - 2019.

2. Auka aðgengi íbúa að íþróttamannvirkjum.

Aðgerð	Eftirfylgni ábyrgð	Mælikvarði:
Heilsueflandi samfélag dregur að nýja íbúa og styður við áframhaldandi búsetu.	Sveitarstjórn, menningar og æskulýðsnefnd.	Salirnir í Árnosi og Brautarholti verði nýttir 30% meira árið 2018 heldur en 2017. Mælivíðmið er árslok 2017. Til þess að þetta megi verða þarf að lágmarka árekstra milli mismunandi notkunar húsnæðisins.

3. Nýta umhverfið til afþreyingar á heilsueflandi hátt.

Aðgerð	Eftirfylgni ábyrgð	Mælikvarði:
Auka aðgengi að Þjórsárskógi, hálendi og fjöllum. Tryggja aðgengi íbúa að ferðamannastöðum – sveitapassi.	Umhverfisnefnd.	Mánaðarlegar gönguferðir með leiðsögn yfir sumartímann, fyrst sumarið 2018.

FERÐAÞJÓNUSTA

Skeiða- og Gnúpverjahreppur stuðlar að því að ferðaþjónusta verði öflug atvinnugrein í sveitarfélaginu. Unnið verði að því að auka umferð ferðamanna og að dreifa álagi yfir árið.

1. Þjórsárdalur verði einn helsti segull í ferðaþjónustu í sveitarfélaginu.

Aðgerð	Eftirfylgni ábyrgð	Mælikvarði:
Byggja upp sjálfbæra ferðamennsku í Þjórsárdal. Stýra aðgengi.	Sveitarstjórn.	Finna út þolmörk Þjórsárdals og ákvarða fjölda í dalnum á hverjum tíma.

2. Sjá til þess að hægt verði að auka við afþreyingu ferðamanna í sveitarfélaginu.

Aðgerð	Eftirfylgni ábyrgð	Mælikvarði:
Hafa samband við Markaðsstofu Suðurlands um samstarf og markaðssetningu ferðaþjónustu í sveitarfélaginu.	Sveitarstjórn.	Í febrúar 2018 verður komið á samband við Markaðsstofu Suðurlands. Markaðsáætlun tilbúin í september 2018.
Réttirnar nýttar undir viðburði allt árið, dýr til að njóta.	Menningar og æskulýðsnefnd.	Fjöldi viðburða við réttir verði 3 á ári.

EFTIRFYLGNI

Gert verður ráð fyrir því að ábyrgðaraðilar hvers markmiðs fyrir sig muni fylgjast með framvindu þeirra og mæla árangur á tilteknum tímum. Heildarskoðun markmiðanna og árangursmælikvarðanna fer svo fram í tengslum við haustfundi sem haldnir eru af sveitarstjórn ár hvert þar sem atvinnustefnan er endurskoðuð, uppfærð og lagfærð.

Fyrsta uppkast - endurbætt